

**UPM Menang Case Writing Competition**

Pemenang UPM, dari kiri Dr. Dahlia Zawawi, Juliana Johani dan Dr. Tee Keng Kok.

**KUALA LUMPUR, 4 Nov** – Universiti Putra Malaysia (UPM) berjaya meraih tempat kedua dan ketiga dalam Pertandingan Penulisan Kes Peringkat Kebangsaan yang bertemakan *Case Writing in Action : Dynamics Of Case Method*.

Dr. Tee Keng Kok dari Fakulti Ekonomi dan Pengurusan (FEP), Yaacob Ibrahim dan Dr Ho Jo Ann dari Sekolah Pengajian Siswazah Pengurusan (GSM), UPM memenangi tempat kedua dengan penulisan kes bertajuk, *Powerforce Malaysia : Managing Organizational Dynamic*.

Sementara itu, tiga pensyarah FEP, Dr. Dahlia Zawawi dan Juliana Johani, tajuk penulisan *The Clock is Ticking* serta Dr. Mohd Fuaad Said dengan tajuk penulisan, *Kayla (Iran) Pte.Ltd : Developing A Strategy* telah memenangi tempat ketiga.

Pertandingan itu dianjurkan oleh Case Writer's Association of Malaysia (CWAM) dengan kerjasama GSM, UPM dan Universiti Terbuka Malaysia (OUM).

CWAM mempertandingkan penulisan kes yang bercorak penghujahan dalam bidang pengurusan secara umum seperti pengurusan perakaunan dan pengurusan perniagaan untuk menerapkan gabungan dimensi proses pembelajaran dan penulisan kreatif serta melatih diri membuat keputusan yang wajar dalam apa juga bidang yang diceburi.



Aksi Dr. Tee Keng Kok ketika membentangkan penghujahannya.

Berita ini disediakan oleh Seksyen Media, Publisiti dan Penerbitan UPM.

---

Hak Cipta Terpelihara 2007  
Universiti Putra Malaysia